

Resolución da Dirección Territorial da Consellería do Mar en Celeiro-Viveiro, pola que se abre o prazo de presentación de solicitudes para a renovación de modalidades de recursos específicos: percebe, equinodermos, solénidos, algas, peneira, anemones e poliquetos, no permiso de explotación de embarcacións das confraría s de pescadores do ámbito desta dirección territorial para o trienio 2025-2027

1. Consideracións legais

1. O Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas, establece no artigo 4.2 que a actividade de marisqueo de recursos específicos e de algas, tanto en zonas de autorización marisqueira como en zonas de libre marisqueo, realizarase ao abeiro de plans de xestión.
2. O Decreto 425/1993, do 17 de decembro, polo que se refunde a normativa vixente sobre o permiso de explotación para exercela actividade pesqueira e marisqueira, establece no artigo 20 a previa inscrición do seu titular no plan de xestión específico regulamentariamente establecido.
3. A Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia, determina nos seus artigos 32 a 34, o procedemento para a renovación da modalidade de recursos específicos (requisitos, prazo de presentación da solicitude e documentación) no permiso de explotación das embarcacións.
4. O punto segundo da disposición adicional primeira do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas, establece que a renovación das modalidades de recursos específicos no permiso de explotación das embarcacións realizarase por períodos de tres anos, coincidindo coa aprobación do plan de xestión que corresponda e requirirá ter realizado actividade suficiente nos tres anos naturais anteriores.
5. En canto a actividade extractiva suficiente ademais do establecido no artigo 32.1.c) da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia, terase en conta tamén o indicado na Resolución do 2 de febreiro de 2021 da Dirección Xeral de Desenvolvemento Pesqueiro, pola que se ditan normas sobre o cumprimento do requisito de actividade extractiva suficiente para a renovación das habilitacións para o exercicio do marisqueo, modificada pola Resolución do 31 de maio de 2021 da Dirección Xeral de Desenvolvemento Pesqueiro.



De cara a cumplir o requisito de actividade extractiva suficiente (notas de venda) nos plans para renovar as habilitacións para o exercicio do marisqueo:

1. O período comprendido entre o 1 de xaneiro e o 31 de decembro de 2021 excluirase do período para demostrar actividade extractiva suficiente nos plans de xestión en 2021.
2. Todos os días de vendas rexistradas polos titulares durante o período indicado no punto anterior poderán computar de cara a xustificar a porcentaxe de actividade extractiva suficiente.

2. Requisitos

A renovación das modalidades de recursos específicos no permiso de explotación da embarcación realizarase cada tres anos e requirirá:

- a) Estar incluída na listaxe de embarcacións do plan de xestión correspondente.
- b) Cumprir anualmente as prescripcións específicas contidas no plan de xestión.
- c) Que cando menos unha das persoas tripulantes enroladas estea en posesión dos certificados profesionais correspondentes.
- d) Acreditar ter realizado actividade suficiente nos tres anos naturais anteriores (tendo en conta as consideracións legais indicadas nos puntos 1.5.1 e 1.5.2), entendendo como tal aquela que se realiza de modo efectivo segundo se indica a seguir, e sen prexuízo de que o plan de xestión do recurso específico que corresponda poida recoller unha porcentaxe superior:
 - 1º. Ter realizado un 15 % dos días que foron efectivamente autorizados para a extracción dentro do plan de xestión da entidade, no caso de embarcacións que só disponen dunha (1) modalidade de recursos específicos no permiso de explotación.
 - 2º. Ter realizado un 8 % dos días que foron efectivamente autorizados para a extracción dentro do plan de xestión da entidade, no caso de embarcacións que disponen de dúas (2) modalidades de recursos específicos no permiso de explotación.
 - 3º. Ter realizado un 5 % dos días que foron efectivamente autorizados para a extracción dentro do plan de xestión da entidade, no caso de embarcacións que disponen de tres (3) ou máis modalidades de recursos específicos no permiso de explotación.

Dita porcentaxe calcularase a partir da información da que dispón a Consellería do Mar sobre as vendas realizadas no período considerado.

- e) Ter realizado o 95 % dos días efectivos dos autorizados dentro do plan de xestión da entidade para as actividades de semicultivo asignados á embarcación que son necesarias para a mellora da producción; así como dos traballos de control, protección



e vixilancia dos bancos marisqueiros que foron autorizados con carácter xeral no marco do plan de xestión.

Os días empregados nas actividades anteriores computaranse para os efectos de renovación da modalidade, sempre que así estea recollido no plan de xestión aprobado.

Para os efectos de calcular as porcentaxes indicadas nas letras d) e e), teranse en conta as seguintes situacións:

- a) Descontarase do período autorizado o tempo durante o cal a embarcación permanecese inactiva por causa debidamente xustificada.
- b) Non se computarán como día de actividade efectiva aqueles en que se acredite que traballaron menos do 15 % das embarcacións autorizadas.
- c) Os días dedicados polas persoas mariscadoras ás actividades de turismo mariñeiro terán a consideración de días de actividade marisqueira e computarán para a renovación das modalidades de recursos específicos no permiso de explotación da embarcación cando coincidan cun día de actividade extractiva.
- d) Os días dedicados polas persoas percebeiras a extracción de semente de mexillón computarán para a renovación da modalidade de percebe no permiso de explotación da embarcación, cando coincidan cun día de actividade extractiva.

3. Axuste do número de cotas

No caso dos plans de xestión nos cales o cálculo do esforzo pesqueiro se faga en función das persoas tripulantes, coa renovación da modalidade axustarse o número de cotas de captura da embarcación á media de persoas tripulantes que estivesen enroladas durante os tres (3) últimos anos naturais, de acordo ás consideracións legais indicadas nos puntos 1.5.1 e 1.5.2 e o período de tempo que resulte máis favorable para o cálculo da dita media.

Para os efectos de calcular a media, descontarase o tempo durante o cal a tripulación non estivo enrolada por causa debidamente xustificada. Neste caso deberán presentar a documentación que acredite tal circunstancia.

4. Prazo para a renovación

O prazo de presentación da solicitude e documentación será dende o día seguinte ao da publicación desta resolución ata o 31 de maio de 2024.

A resolución publicarase no taboleiro de anuncios da Dirección Territorial de Celeiro-Viveiro e na páxina web: <http://www.mar.xunta.gal>. Tamén se exporá, con carácter informativo, nos taboleiros de anuncios das entidades asociativas do sector.

5. Solicitudes

As solicitudes dirixiranse á Dirección Territorial de Celeiro-Viveiro. Poderán presentaranse directamente ou a través das entidades asociativas do sector.

Dirección territorial de Celeiro - Lugo
Rúa Gerardo Harguindey Banet, 2 - 27863 Celeiro – Viveiro (Lugo)
Tfno: 982 55 50 15 – recursosmarinos.cmm.lugo@xunta.gal

Páxina 3 de 6



O artigo 10 da Lei 4/2019, do 17 de xullo, de administración dixital de Galicia, establece a obligatoriedade para os traballadores autónomos de relacionarse a través de medios electrónicos no ámbito do sector público autonómico.

Así, as solicitudes e a documentación acreditativa, deberán presentarse por vía electrónica a través do formulario normalizado PE401F dispoñible na sede electrónica da Xunta de Galicia (<https://sede.xunta.gal>). Para a presentación das solicitudes será necesario o Documento Nacional de Identidade electrónico (DNle) ou calquera dos certificados electrónicos recoñecidos pola sede da Xunta de Galicia.

As solicitudes virán acompañadas da documentación xustificativa necesaria en cada caso, e que se detalla ao longo da presente Resolución.

Logo da solicitude, as actuacións posteriores que podan xurdir durante a tramitación do procedemento (emenda a requirimentos, achega de documentación separada, alegacións, etc.) presentaranse tamén de xeito electrónico a través das accións asociadas a solicitude inicial, accedendo na SEDE a "A miña sede", localizando a solicitude e seleccionando en "Accións" a actuación a realizar.

Cando a persoa solicitante actúe designando a unha persoa representante para a tramitación do procedemento achegarase o formulario normalizado correspondente de representación (dispoñible en <https://sede.xunta.gal/ficheiros/modelos-normalizados/Representacion-G.pdf>), que deberá asinarse pola persoa representante e pola persoa outorgante da representación.

En todo caso, aínda que outra persoa física ou xurídica actúe como representante, tanto na solicitude como nas accións posteriores, a persoa que debe figurar como solicitante nas presentacións é a titular do permiso.

6. Documentación

Para cada embarcación, orixinal ou copia dixitalizada da seguinte documentación:

- a) Solicitud segundo o Anexo I dispoñible na sede electrónica da Xunta de Galicia (<https://sede.xunta.gal>).
- b) Anexo II, só no caso de haber máis dunha persoa solicitante.
- c) No caso dunha persoa física, os DNI/NIE da persoa solicitante e, no seu caso, da persoa representante, serán obxecto de consulta por parte da Consellería do Mar. No caso de que as persoas interesadas se opoñan a esta consulta, deberán achegar unha copia dos documentos.

No caso dunha persoa xurídica, o NIF da entidade solicitante e, no seu caso DNI/NIE da persoa representante, serán obxecto de consulta por parte da Consellería do Mar. No caso de que as persoas interesadas se opoñan a esta consulta, deberán achegar unha copia dos documentos.



- d) Xustificante de ter aboado o pagamento da taxa administrativa (**unha taxa por embarcación**, non por recurso) (código: 30.17.01), só no caso de que o pagamento da taxa non se realice de forma telemática.
- e) Rol de despachos actualizado da embarcación coa dotación da tripulación enrolada nela á data da presentación da solicitude.
- f) Documento de Capitanía Marítima que acredite os despachos da embarcación nos anos 2021, 2022 e 2023 (despachos por tempo da embarcación).
- g) Documento de Capitanía Marítima que acredite a tripulación enrolada na embarcación con nome e apelidos e períodos de embarque nos anos 2021, 2022 e 2023.
- h) Certificacións profesionais dos tripulantes enrolados (percebeiro, mergullador), agás que se xunte o Anexo III, para a consulta das certificacións profesionais da tripulación.
- i) Certificado da agrupación sectorial, de estar constituída e da entidade titular do plan de xestión relativo:
 - 1º. Á porcentaxe dos días dedicados, nos tres anos naturais anteriores, ás actividades de semicultivo, aos traballos de control, protección e vixilancia dos bancos marisqueiros, que exprese as datas dedicadas ás tarefas. Así mesmo, incluirase a información necesaria sobre o desenvolvemento das actividades, que permita calcular que se cumpre a porcentaxe necesaria para renovar a modalidade.
 - 2º. Ao cumprimento anual das prescripcións específicas en cada un dos plans de xestión nos tres anos naturais anteriores polas persoas armadoras titulares do permiso de explotación das embarcacións e as persoas tripulantes para as que se solicitan as habilitacións.

Esta documentación só será preciso presentala cando no plan de xestión aprobado se recollan estas cuestións.

- j) Para acreditar a realización de actividades de turismo mariñeiro, un certificado da entidade titular do plan de xestión en que se faga constar os días dedicados a esta actividade. O documento será asinado polo/a presidenta/e da agrupación sectorial, de estar constituída, ou, en caso contrario, pola persoa representante da confraría ou entidade asociativa.
- k) Certificado da confraría ou entidade asociativa en que se fagan constar os días dedicados a realización da actividade de extracción de semente de mexillón polas persoas percebeiras.
- l) No caso de que a tripulación non estivese enrolada por causa debidamente xustificada, documentación que acredite tal circunstancia.
- m) No caso dos/as patróns/oas maiores, presidentes/as das agrupacións sectoriais e presidentes/as das federacións de confrarías, persoas que legalmente poidan substituíllas ou nas cales deleguen expresamente, considerarase causa xustificada de



inactividade o período de tempo empregado nos labores de representación, cando coincida cun día de actividade de marisqueo.

- n) As entidades asociativas xustificarán a inactividade da embarcación ou da tripulación cando se deba a causas conxunturais, como poden ser, entre outras, as relacionadas coa producción ou con causas organizativas que afectan os métodos de traballo.

Esta dirección territorial é o órgano competente para a renovación da modalidade de recursos específicos de conformidade co establecido na sección 2 do capítulo III e o artigo 33 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

Contra esta resolución, que non pon fin á vía administrativa, poderá interpoñer recurso de alzada ante a conselleira do Mar no prazo dun (1) mes, que se contará a partir do día seguinte ao da notificación desta resolución, de acordo co establecido nos artigos 121 e 122 da Lei 39/2015, do 1 de outubro, do Procedemento Administrativo Común das Administracións públicas (BOE núm.236, do 2 de outubro de 2015).

A directora territorial
María del Carmen Gueimunde González

